

# Зер-зевиг агслгънас гаргъхин ѳмнӑс сѳрлцӑчнрт ѳггч цоклгън

Нарт делкӑ чинвртӑ бӑӑл-гъиг сулдхлгъна ѳмнӑс импералистическ багмуд шинӑс бослгъ кеджӑхнъ кӑмнъ ѳмтнд ѳзгддж медгдджӑнӑ. ООН-а Генеральн Ассамблейин XII-ч сессийин делегацирин ик зунь США-н зааврар, Советск Союз болн нань чигн кесг орн-нутгуд зер-зевиг агслгънас гаргъхин туск тӳрӳр ѳгсн селвгиг бурушацхав. Эн тӳрӳр зѳвшӑл кешгогъар седдж, США болн дӑӑнӑ блокд орлцдг энӑнӑ нѳкднр Генеральн Ассамблейин кӑчӳр эврӑннъ шиидврмӑдӑн батлулдж, империалистрин агрессивн политикиг энӑгӳрн хальчлхар седдж, оln-ӑмтнӑ оньгинъ теднӑсн холджулхар бӑӑлӑ. Генеральн Ассамблейд кӑчӳр батлулсн, зер-зевиг агслгънас гаргългъна комиссин ханьин туск резолюц энӑнӑ тӳлӑ церглхмн.

Советск Союз, тер комиссднъ — Ниилгсн Келн-ӑмтсин Организацин чледӑд — цуг орн-нутгудин элчнриг орлцулхмн гисмн, юнъгад гихлӑ, тер комиссин ханьин тоог олдулх эр-кн уга кергтӳг энӑнӑ урдк ѳӑлдврн цуг дамшлт ѳзӑлджӑнӑ, оln джилин эргцд кӳдлсн бийнъ эклцӑсн авн эн нег чигн тӳр хагълад уга, юнъгад гихлӑ, комиссин чледӑдин ик зунь дӑӑнӑ блокд орлцдг западн орн-нутгудин улс болад, тедн сѳрлцлгъ кегъӑд бӑӑцхӑсмн. Тер комисст орлцачнрин тоог икдӑлхд ганцхн социалистическ лагерин орн-нутгуд зӑткджӑхш, нань бас оньгдан кесг орн-нутгуд, тедн дунд Индъ бӑӑнӑ. Болв, Западин империалистическ багин кӑчлгъӳр Генеральн Ассамблей бас урдкларн ӑдлӳр, западн дӑӑнӑ блокд ордг орн-нутгудас зер-зевиг агслгънас гаргългъна комиссин ик зууднъ орулхмн гисн резолюц авб.

Советск Союз зер-зевиг агслгънас гаргългъна им бӑӑдлтӑ комиссин кӳдлмшд орлцшгогъан герчлв. Тер учрар, Западин зӳрм багмуд шин уха ухалв, эдн ик келнӑ: тер зер-зевиг агслгънас гаргългъна комиссин кӳдлмшд Советск Союз орх бийнъ, оршго бӑӑдл гаргъджана, оргигъӑд шахкнъ орхмн, — гилж. Зер-зевиг агслгънас гаргъхд дурго улсин санджаснъ кӑцсн уга. Генеральн Ассамблейин XII-ч сессийд орлцджах мана делегаци герчллгъ барлснлан, шинӑс тер тоотан заав: „Советск Союз им комиссин кӳдлмшд орлцшго, юнъгад гихлӑ, энӑнӑ чледӑдин ик зунь агрессивн дӑӑнӑ блокд орлцдг орн-нутгуд“.

Газадин ордудин демократическ бар Советск Союзин герчллгъиг, зер-зевиг агслгънас гаргългъна ѳмнӑс сѳрлцджӑх улст цоквр гидж тоолджана. Советск Союз зер-зевиг агслгънас гаргългъна комиссиг ѳргджӑлхмн гисн — зер-зевиг агслгънас гаргългъна кӑӑндвриг цуг орн-нутгудин хӑлӑврт, ик-бичкн уга, оln-ӑмтнӑ хӑлӑврт ѳгхмн гиджӑх ѳг гидж китайск „Женьминьжибао“ газет бичджӑнӑ. Болв, империалистическ багмуд им хӑлӑврт дур болджана, юнъгад гихлӑ, зер-зевиг агслгънас гаргългъна комиссарн хальчллгъ кедж, энӑгӳн ташрлдж оln ӑмтнӑ тӳрт хорлтта кергӳн кӑцӑхӳр седжӑцхӑнӑ. Иим бӑӑдл, СССР зер-зевиг агслгънас гаргългъна комиссд орлцшго болснъ США-н болн эднӑ нѳкднрин зурад цоквр болджахиг „Женьминьжибао“ газет темдгдджӑнӑ.

А. ШАХАНОВ.